

# INUIT ATAQATIGIIT

## Inatsisartuni



20. november 2018

Inatsisartut Suleriaasianni § 37 imm. 1 naapertorlugu Naalackersuisunut apeqqutit imaattut matumuuna saqqummiuppakka.

### Naalackersuisunut apeqqut:

- 1. Naalackersuisut pilersaaruteqarpat danskit Naalackersuisuinut saaffiginnissamik, Nunat Tamalaat (FN) ataani Inuit Pisinnaatitaafiinik Siunersuisoqatigiivisa innersuussutaat malillugu, ilaatigut Minamata Konvention aammalu Aarhus Konvention malillugit isumaqatigiissutinut nunatsinni atortussanngortinneqarnissaa siunertaralugu?**

(Inatsisartunut ilaasortaq Stine Egede , Inuit Ataqatigiit)

### Tungavilersuut:

Imaani nunamilu mingutsitsinnginnissaq silarsuarmioqataasutut tamatta akisussaaqataaffigaarput.

Ukiuni aggersuni aatitassarsiorfiit arlalissuit ammarneqarnissaat naatsorsuutigineqarnissaa isumalluarfigaarput.

Nuna inuisa paasissutissanut malinnaatinneqarlutillu peqataatinneqarnerunissaat kiisalu naammagittaalliorsinnaanermut aqqutissiuunneqarnissaat pisariaqartoq, amigaataasorlu maanna takusinnaavarput, tusartuutarlugulu.

Kinaluunniimmi nunamini oqartussaaffeqartariaqarpoq.

Århuskonvention nunarpassuarni peqataaffigineqalereerpoq. Nunarput ukiuni kingullerni nunarsuarmioqatitsinnit isiginiarneqartorujussuanngorpoq, takornariaqarnikkullu annertusiartortumik tikinneqartalerluni. Taamaattumik inuussutissarsiutit assigiinngitsut ineriartuleruttorfiinni, nunami maani inuit ineriartornermi oqartusaaqataanissaat pingaartutut isigaara.

Kviksølvip ulorianarluinnartuunera tamanit naluneqanngilaq, nunatsinnilu aamma tamatuma mianersorfigilluinnarneqarnissaa eqqumaffigisariaqarparput. Taamaammat Minamatakonvention-ip nunatsinni atuuttussanngortinneqarnissaa aammattaaq inissamiilluinnarpoq.

Apeqqutitta ullut suliffiusut qulit qaangiutsinnagit akineqarnissaat kissaatigaara.